

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

### ENPLEGU, MERKATARITZA ETA TURISMO SUSTAPENAREN ETA FORU ADMINISTRAZIOAREN SAILA

#### Foru Agindua 199/2023 maiatzaren 11koa. Onestea Arabako eskulangintza sektorearen jarduerarako laguntzen deialdia 2023ko ekitaldirako

Enplegu, Merkataritza eta Turismo Sustapenaren Zuzendaritzak, bere eskumenen eremuan, enplegua sortzea, prestakuntza, turismo sustapena eta merkataritza eta eskulangintza bultzatzea helburu duten ekintzak eta ekimenak gauzatzeko, hori dena Arabako Lurralde Historikoan jarduera ekonomikoa pizteko.

Abenduaren 31ko 51/2013 Foru Dekretuaren bidez, Arabako eskulangintza sektorea arautu zen eta xedatu zen dirulaguntzak eman ahal izango zaizkiela eskulangileei edota eskulangintza enpresei haien egitura nahiz errentagarritasun, kudeaketa edo lehiakortasuneko baldintzak hobetzeko jardueretarako.

Arabako Foru Aldundiko Enplegu, Merkataritza eta Turismo Sustapenaren eta Foru Administrazioaren Sailak era integral eta dinamikoan ulertzen du eskulangintza, hots, sorkuntza, ekoizpena eta banaketa garatu behar dituen jarduera gisa, bai tradiziozko, bai gaur egungo ikuspegiari, ekonomia, gizarte eta kultura balioak bateratuz. Gainera, sail horrek eta sektoreak berak konpromisoa dute haren ikusgaitasuna sustatzeko, profesionaltasun, prestigio eta kalitatezko ingurune batean kokatzeko, eta haren bideragarritasun ekonomikoa garatzeko.

Bestalde, bat etorri Arabako Foru Aldundiaren 2019-2023 legegintzaldiko plan estrategikoarekin, jardun estrategikoetako bat da eskulangintza sektoreko inbertsio eta salmentetarako laguntza ematea.

Horretarako, 51/2013 Foru Dekretuaren 6. artikulua aplikatuz eta sailaren helburuak betetzeko, Arabako Foru Aldundiko Enplegu, Merkataritza eta Turismo Sustapenaren eta Foru Administrazioaren Sailak uste du komenigarria dela Arabako eskulangintza sektoreak inbertsioak egiteko laguntzen deialdia egitea une honetan. Programa hau ez da jarduera bakartu bat; aitzitik ekonomia sustatzeko Arabako Lurralde Historikoaren politikaren esparruan kokatzen da.

Horregatik, dagozkidan ahalmenak erabiliz, hau

#### XEDATZEN DUT

Lehenengoa.- Onestea Arabako eskulangintza sektorearen jarduerarako laguntzen deialdi publikoa 2023ko ekitaldirako, zeina foru agindu honi atxikitzen baita.

Bigarrena.- Deialdi hori arautu da kontuan hartuta Enplegu, Merkataritza eta Turismo Sustapenaren Zuzendaritzaren eskumenen esparruan ematen diren dirulaguntzen oinarri arautzaile orokorrak (49/2019 Foru Dekretua, azaroaren 12ko Foru Gobernu Kontseiluarena), bai eta foru agindu honen eranskinean ezarritakoa ere.

Hirugarrena.- Foru Agindu honek arautzen dituen dirulaguntzak Arabako Foru Aldundiaren 2023ko ekitaldirako aurrekontuko 30502G/439300/47900302 partidaren kontura ordainduko dira, zeina 31.678,00 euroko zenbatekoaz horniturik baitago.

Laugarrena.- Bat etorri Administrazio Publikoen Administrazio Prozedura Erkidearen urriaren 1eko 39/2015 Legeak 123. artikuluan xedatutakoarekin, administrazio bidea agortzen duen ebazpen honen aurka aukerako berraztertze errekurtsoa aurkez dakioko Enplegu, Merkataritza eta Turismo Sustapenaren eta Foru Administrazioaren Saileko foru diputatuari, egintza hau argitaratu eta hurrengo egunetik hilabete igaro baino lehen, edo, bestela, zuzenean aurkaratu daiteke Vitoria-Gasteizko Administrazioarekiko Auzietarako Epaitegien aurrean, egintza hau jakinarazi eta hurrengo egunetik bi hilabete igaro baino lehen.

Bosgarrena.- Deialdi hau ALHAOn argitaratuko da, eta argitaratu eta hurrengo egunetik aurrera izango ditu ondorioak.

Vitoria-Gasteiz, 2023ko maiatzaren 11

*Merkataritza eta Turismo Sustapenaren eta Foru Administrazioaren Saileko foru diputatua*  
**CRISTINA GONZÁLEZ CALVAR**

*Enplegu, Merkataritza eta Turismo Sustapenaren zuzendaria*  
**JUAN FELIPE GARCÍA MIRAVALLES**

## ERANSKINA

### ARABAKO ESKULANGINTZA SEKTOREAREN JARDUERARAKO LAGUNTZEN 2023KO DEIALDIA

#### 1. artikulua. Xedea

Deialdi honen helburua da Arabako eskulangintza sektoreari laguntzea eta haren ekoizpen jarduera bultzatzea, norgehiagoka bidezko dirulaguntzak emanez.

#### 2. artikulua. Aurrekontu partida eta gehieneko zenbateko osoa

2.1. Foru Agindu honek arautzen dituen dirulaguntzak Arabako Foru Aldundiaren 2023ko ekitaldirako aurrekontuko 30502G/439300/47900302 partidaren kontura ordainduko dira, zeina 31.678,00 euroko zenbatekoaz horniturik baitago.

2.2. Deialdi honetarako zehaztutako aurrekontu partidaren hasierako hornidura hasierako aurrekontuaren ehuneko 100 handitu ahal izango da, gehienez, aurrekontu transferentzia egokien bitartez, baldin eta Enplegu, Merkataritza eta Turismo Sustapenaren Zuzendaritzaren beste partida batzuetan gerakinik badago.

#### 3. artikulua. Onuradunak

3.1. Eskulangile, eskulangintzako enpresa eta elkarte eta sektorea ordezkatzten duten gainerrako erakunde guztiak, baldin eta frogatzen badute Arabako Lurralde Historikoan erroldatuta daudela edo bertan dutela zerga egoitza eta, beranduenik 2023ko urtarrilaren 1az geroztik Arabako Eskulangintza Erregistro Orokorrean izena emanda badaude, edo bestela, egun horretan hasita badute bertan alta eskatzeko prozesua, eta eskaera horri ezezkorik eman ez bazaio laguntza lerro honetara eskaerak aurkezteko epea amaitzen denean.

3.2. Onartzeko prozesuan edo funtzionamenduan sexuagatik bereizkeria eragiten duten erakundeak ezin dira izan onuradunak, hala xedatzen baitu Eusko Legebiltzarraren Emakumeen eta Gizonen berdintasunerako otsailaren 18ko 4/2005 Legeak 24.2 artikuluan.

3.3. Onuradunek Ogasunarekiko eta Gizarte Segurantzarekiko betebeharrak egunean izan beharko dituzte, 58/2004 Foru Dekretuan ezarritakoaren arabera, bai emateko ebazpenaren aurretik, bai dirulaguntza jasotzeko nean.

Enpresen kasuan, Gizarte Segurantzako inolako erregimenetan kotizazio kontuaren koderik esleituta ez badute, enpresako bazkide guztiek Gizarte Segurantzarekin egunean egon beharko dute.

3.4. Berriaz baztertuta geratzen dira 2023ko ekitaldirako Arabako Foru Aldundiaren aurrekontuan Enplegu, Merkataritza eta Turismo Sustapenaren Zuzendaritzaren dirulaguntza izendun bat jaso duten eskatzaileak, baldin eta haren xedea bat badator dirulaguntzaren xedearekin, bai eta haiekin elkartutakoak ere, adjudikazioaren unean hitzarmena sinatuta izan edo ez; baztertuta geratzen dira, halaber, laguntza lerro honen aurreko deialdietan emandako beste dirulaguntza batzuk epe barruan egin edo justifikatu ez dituztenak, salbu eta Enplegu, Merkataritza eta Turismo Sustapenaren Zerbitzuaren iritziz ez-betetze horren arrazoiak behar bezala justifikatu badira.

#### **4. artikulua. Dirulaguntza jaso dezaketen gastuak**

4.1. Honako gastu hauek diruz lagungarritzat joko dira baldin ezarritako epean egiten badira:

1) Prestakuntza ikastaroetako matrikularen kostua, ikastaroa egiteko ezinbesteko material didaktikorako gastuak barne.

Diruz laguntzekoak izan daitezzen, zuzeneko eragina izan beharko dute onuradunaren eta haren langileen enpresa jardueraren hobekuntzan; inguruabar horrek Enplegu, Merkataritza eta Turismo Sustapenaren Zerbitzuaren iritziz behar adina justifikatuta egon beharko du.

2) Sustapenerako materialak argitaratu eta prestatzea, esaterako katalogoak, liburuxkak, txartel profesionalak edo antzekoak. Kanpoan utziko dira artisautzako produktuari edo lantegiari ez dagozkion publizitate edo sustapen material guztiak.

3) Artisau produktuen etiketak eta artisau tailerren identifikazio plakak diseinatzeko eta inprimatzeko kostuak.

4) Web orriak ezartzea eta birdiseinatzea, jarduera lerro horretan diseinatzeko, sortzeko, itzultzeko eta domeinua kontratatzeke hasierako gastuak eta lineako salmentara egokitzekoak ere sartuta. Mantentze gastuak eta gisakoak ez dira diruz laguntzekoak.

5) Eskulangintza azoketan edo antzeko lehiaketetan (arte galeriak, nazioarteko erakusketak...) parte hartzea, Arabako Lurralde Historikoaren barruan nahiz kanpoan, izena emateko, tokia alokatzeko, standa muntatzeko, materiala bidaltzeko eta standaren elektrizitate kontsumoko gastuak barne.

Atzerrian gertatzen diren azoken eta antzekoen kasuan, ostatuko gastuek ere jasoko dute dirulaguntza benetan gastatu eta frogatutako zenbatekoa kontuan hartuta. Haren zenbatekoa ezin da izan, kasu honetan, gaueko 80,00 eurotik gorakoa (Europar Batasuna) EB barruan eta 100,00 eurotik gorakoa ekintza EBren eremu geografikotik kanpo egiten bada eta azokak/lehiaketak dirauen egunetan baino ez (azoka hasten den egunaren aurreko gaua eta amaitzen den eguneko gaua barne). Halaber, kasu horretan, joan-etorriko gastuek ere jasoko dute dirulaguntza benetan gastatu eta frogatutako zenbatekoagatik, baina joan-etorrietarako zenbatekoa ezingo da izan 300,00 eurotik gorakoa azokako.

Gainera, azoka nazionaletan, eta onuradun guztiek aurkeztutako eta artikulua honetan jasoriko gainerako gastu diruz lagungarriei erantzun ondoren partidaren aurrekontu krediturik geratzen bada, materiala nork bere ibilgailuan eramanez gero 0,29 euro/km ordainduko da joan-etorriagatik; ez da bidesari gasturik ordainduko. Materiala norberaren ibilgailuan bidaltzeagatik ordaina oroharreko prezioa da eta ez da zenbatzen dirulaguntza jaso dezakeen oinarrian; bidesariaren kostua, aldiz, haren barruan sartzen da.

Gastuek ez dute dirulaguntzarik jasoko, besteak beste, kasu hauetakoren bati badagokie:

- Kanpo garraioaren elementuak.
- Altzariak.
- Web ostatatze edo hosting-a eta mantentze kostuak.
- Finantza gastuak.
- BEZa eta gainerako zeharkako zergak, salbu onuradunak konpentsatu edo berreskuratu ezin baditzake.
- Pertsona edo entitate eskatzaileari lotutako enpresa edo pertsonen bitartez egindako gastuak.
- Aldizkako gastuak eta/edo errepikatzen direnak nahiz kuota mota oro (internetara sartzeko kuotak, elkarteei ordaindutako kuotak, aldizkako informazio buletinak...).
- Lokala egokitzeko materialen gastuak.
- Dirulaguntza jaso behar duen jarduerari zalantzarik gabe lotu ezin zaizkion gastuak edota deialdian xedatutako epean egiten ez direnak.

Enplegu, Merkataritza eta Turismo Sustapenaren Zerbitzuak uste badu gastuen aurrekontua gehiegizkoa dela antzeko gastuen batez besteko kostuaren aldean, diruz lagundu daitekeen oinarria murriztu ahal izango du, gastuentzako zenbateko egoki eta proportzionalera arte.

4.2. Diruz lagun daitekeen aurrekontuaren ehuneko 100 arteko azpikontratazioarako baimena dago; hala ere, urriaren 19ko 11/2016 Foru Arauaren, Arabako Lurralde Historikoaren dirulaguntzenaren 27. artikuluan ezarritako betekizunak bete beharko dira.

4.3. Proiektu beraren barruan Enplegu, Merkataritza eta Turismo Sustapenaren Zerbitzuaren ustez Arabako eskulangintza sektoreari laguntzen eta/edo haren ekoizpen jarduera bultzatzen edo lehiakortasuna hobetzen behar beste laguntzen ez duten jarduerak baleude, kanpoan utzi ahal izango dira esleitu behar den dirulaguntza kalkulatzeko.

## **5. artikulua. Aplikazio eremua eta jarduerak gauzatzeko epealdia**

5.1. Deialdi honetako onuradun gertatzen direnek laguntza jasotzen duten jardueren emaitzak Arabako Lurralde Historikoan ezarri beharko dituzte.

Diruz lagungarriak izango dira:

- 2023. urtean hasitako jardueretatik 2023ko abenduaren 1era arte osorik gauzatzen direnak, egun hori barne.
- 2022ko azkeneko hiruhilekoan hasitako jardueretatik, onuradunak 2023an edo 2022ko azken hiruhilekoan ordaintzen dituenak, programa honetan bertan eta urte berean diruz lagundu ez diren proiektuetan, eta 2023ko abenduaren 1era arte (egun hori barne) egiten direnak, baldin eta ez badira diruz lagundu lehenagoko deialdietan.
- 2022ko azken hiruhilekoan egindako azoketan parte hartzea ere diruz lagundu ahal izango da, ordainketa aurrerakin moduan lehenago egin arren, eta betiere aurreko deialdietan ez bada dirulaguntzarik jaso.

## **6. artikulua. Laguntzen zenbatekoak eta mugak**

6.1. Foru agindu honetan jasotzen diren laguntzak diruz lagundu daitekeen aurrekontuaren ehuneko 70eraino iritsiko dira (ikus Foru Gobernu Kontseiluaren 49/2019 Foru Dekretua, azaroaren 12koa, 7.3 oinarri orokorra).

Foru agindu honen babesean egindako eskaerei dagokien dirulaguntza kalkulatzeko deialdi honen eranskin gisa ageri diren gehieneko muga absolutuak hartu beharko dira kontuan.

6.2. Nolanahi ere, dirulaguntza gehienez 4.500,00 eurokoa izango da onuraduneko, baldin eta deialdi honen 3. artikuluan ezarritako betekizunak betetzen baditu.

6.3. Laguntza eskatzen duen pertsona Enplegu, Merkataritza eta Turismo Zuzendaritzaren beste laguntza programa batzuetan laguntza baten onuraduna izan bada programa honen kontura onartutako proiektuen antzeko beste batzuetarako, dirulaguntzarako onartzen den oinarria egokituko da araudi honetan ezartzen den gehieneko dirulaguntza ez gainditzeko.

6.4. Eskaerak dirulaguntza jaso ahal izan dezan, proposatutako dirulaguntzaren gutxieneko zenbateko hau ezartzen da, esleipena egiten den unerako: 200,00 euro.

### **7. artikulua. Prozedura bideratzeko eskumena duten organoak**

7.1. Prozedura Enplegu, Merkataritza eta Turismo Sustapenaren Zerbitzuak bideratuko du.

7.2. Balorazio batzordea honela eratuta egongo da:

– Lehendakaria: Enplegu, Merkataritza eta Turismo Sustapenaren zuzendaria edo hark eskuordetzen duen pertsona.

– Kidea: Enplegu, Merkataritza eta Turismo Sustapenaren Zerbitzuko burua edo hark eskuordetzen duen pertsona.

– Idazkaria: Enplegu, Merkataritza eta Turismo Sustapenaren Zerbitzuko teknikari bat.

### **8. artikulua. Eskaerak aurkezteko epea eta modua**

8.1. Eskaerak hemen aurkeztuko dira:

– Arabako Foru Aldundiaren Erregistro Orokorra.

– Foru Ogasunak Gasteizen, Laudion eta Guardian dituen bulegoetako erregistroa.

– Administrazio Publikoen Administrazio Prozedura Erkidearen urriaren 1eko 39/2015 Legeak 16.4 artikuluan ezarritako gainerako erregistroetatik edozein.

Hala ere, Administrazio Publikoen Administrazio Prozedura Erkidearen 39/2015 Legearen 14.2 artikulua betez, honako hauek egoitza elektronikoa dagoen izapide zehatzaren bitartez (<https://egoitza.araba.eus/eu/-/pr-arabako-eskulangintza-sektorearen-jarduerarako-laguntzak>) telematikoki aurkeztera behartuta daude: pertsona juridikoak; nortasun juridikorik gabeko erakundeak; elkargoko kide izatea nahitaezkoa duen jarduera profesional batean dihardutenak, jarduera horretan egiten dituzten izapideetarako, eta administrazioarekiko harremana elektronikoki izatera behartuta dagoen interesdun bat ordezkatzeko dutenak.

Egoitza elektronikoen zerbitzuak erabiltzeko, nahitaezkoa da modu telematikoan identifikatzea, ziurtagiri elektronikoen baten edo BAKO sistemaren bidez: <https://egoitza.araba.eus/eu/egoitza-elektronikoa/ezagutu-egoitza/nola-sartu>.

Eskaerak eskatzailearen ordezkari batek ere aurkeztu ahal izango ditu, baldin eta aurrez izapide hori gauzatzeko beharrezko baimen maila ezarri bada egoitza elektronikoa: <https://egoitza.araba.eus/eu/egoitza-elektronikoa/baimenak>.

8.2. Eskaerak aurkezteko epea laguntza hauek argitaratu eta hurrengo egunetik aurrera hasiko da eta 2023ko ekainaren 22an amaituko da, egun hori barne.

8.3. Pertsona eskatzaileek egoitza elektronikoa zehaztutako eskaera inprimakia bete beharko dute eta honako agiri hauek erantsi:

1. IFZ, eskulangintza enpresen eta elkarleen eta sektorea ordezkatzeko duten gainerako erakundeekin kasuan, edo NANA, gainerako kasuetan.

2. Arabako Lurralde Historikoan erroldatuta egotearen ziurtagiria.

3. Eskatutako dirulaguntzaren xede diren jarduerak deskribatzeko memoria. Bertan datu hauek jarriko dira, besteak beste:

- Azoketan parte hartzeko jardueretarako: azoka bakoitzaren izena eta egingo den tokia eta data.
- Prestakuntza jardueretarako: prestakuntza jardueraren izena eta edukia, zentro antolatzailea, lekua, egunak eta iraupena.

4. Laguntzen xede diren inbertsio/jarduketeki dagozkien eskaintzen edota aurrekontuen edota fakturen fotokopia. Aurkeztutako inbertsio/jarduera batek kontratu txikien muga gainditzen badu (40.000,00 euro obretarako eta 15.000,00 euro gainerakoetarako), ondasuna sartu baino lehen eskatutako 3 eskaintzen fotokopiak erantsi beharko dira, eta zer eskaintza hautatu den eta zergatik azaldu beharko da.

8.4. Pertsona fisiko edo juridiko eskatzaileak baliozkotzat joko ditu Enplegu, Merkataritza eta Turismo Sustapenaren Zuzendaritzako laguntza eskabidearen eredian identifikatutako harremanetarako pertsonaren helbide elektronikora bidalitako jakinarazpen guztiak.

8.5. Aplikatzekoa den araudiaren arabera, Arabako Foru Aldundiko Enplegu, Merkataritza eta Turismo Sustapenaren Zuzendaritzak ofizios egiaztatuko ditu honako datu hauek administrazio eskudunean:

- Zerga betebeharrak egunean izateari buruzko informazioa,
- Gizarte Segurantzarekiko betebeharrak egunean izateari buruzko informazioa,
- Eskatzailearen zerga egoitzari buruzko informazioa,
- Ogasunean pertsona fisikoen errentaren gaineko zergaren kontura egin behar diren atxikipenen zenbatekoa ordaindu den ala ez jakiteko informazioa (profesionalek jaulkitako fakturen kasuan soilik).

Eskatzaileak ofiziosko egiaztapen horren aurka egin ahal izango du. Hala eginez gero, eskatzaileak aurreko betebeharrak bete dituela egiaztatzen duten agiri guztiak aurkeztu beharko ditu laguntza eskabidean.

## **9. artikulua. Dirulaguntzak emateko irizpide objektiboak**

9.1. Irizpide objektibo hauek erabiliko dira, azkenean onartzen diren eskaeretatik dirulaguntza zeintzuei emango zaien erabakitzeko:

1) Enpresaren lehiakortasuna hobetzea.

Irizpide hau ebaluatzerakoan kontuan hartuko dira honako emaitza hauek ahalbidetzen dituzten jarduketak: produktuaren berrikuntza; bereizketa; kalitatea areagotzea eta enpresaren kudeaketan eta IKTen erabileran hobekuntzak egitea; irudia, marka, komunikazioa eta bezeroentzako arreta hobetzea; merkatuak handitzea; Arabako eskulangintza beste merkatu batzuetan hedatzea...

Alde handirik ez duten espediente guztiei puntu berak emango zaizkie. Haiei 6 puntu osagarri gehituko zaizkie beste merkatu batzuen (esaterako, azokak) irekiera dakarren jarduera bakoitzeko eta beste 6 puntu osagarri irudia, marka eta bezeroari eskainitako komunikazioa hobetzen duen jarduerako, alegia, besteak beste, web orria sortu, berri edo hobetzeagatik eta sustapen materiala egiteagatik. Enplegu, Merkataritza eta Turismo Sustapenaren Zerbitzuaren iritziz, espedienteren batek besteetatik nabarmentzen duen alderdiren edo irizpideren bat balu, aparteko 5 puntu jaso ahal izango lituzke alderdi edo irizpide horrengatik, baldin eta alderdi hori dela-eta lortutako puntuazioak gainditzen ez badu 9.1 artikulua honen bukaeran zehaztutako gehienekoa.

2) Enpresaren konpromisoa artisautzako jarduerari eusteko.

Irizpide hau ebaluatzerakoan kontuan hartuko dira honako inguruabar hauek: enpresa berriak abian jartzea, bokazio berriak sustatzea, galtzeko zorian edo oso murriztuta dauden eskulangintzako jarduerari eustea, etengabeko prestakuntza...

Puntu guztiak emango zaizkie beren txostenetan prestakuntza jasotzen duten eskaerei. Bekak ere prestakuntza izango dira. Gainerakoei 15 puntu emango zaizkie.

3) Justifikatutako ehunekoa (zenbateko onartua), eskatzailea onuradun gertatu zen laguntza lerro honen azken deialdian adjudikatu zen zenbatekoari dagokionez.

Irizpide hori honela ebaluatuko da:

- Ehuneko 90 edo gehiagoko justifikazioa, 20 puntu.
- Ehuneko 50 edo gehiagoko eta ehuneko 90etik beherako justifikazioa, 15 puntu.
- Hirugarrena laguntza lerro honen onuradun gertatzen den lehen aldia, 10 puntu.
- Ehuneko 50etik beherako justifikazioa, 0 puntu.

4) Laguntza eskaeraren xede diren ekintzen azalpen memoria eta eskaera bera argiak, zehatzak eta behar bestekoak izatea, eta, halaber, hura aztertzeko behar den dokumentazio guztia sartzea bertan, hasiera-hasieratik.

Irizpide hori honela ebaluatuko da:

- Eskabide osoa eta memoria xehea, 15 puntu.
- Lehen unean osatu gabeko eskabidea eta memoria xehea, 10 puntu.
- Eskaera osatua baina xehetasun urriko memoriarekin, 5 puntu.
- Xehetasun urriko memoria duen eta lehen unean osatu gabe dagoen eskabidea, 0 puntu.

5) Proiektuaren eraginaren zenbaterainokoa.

Irizpide hori baloratzeko, proiektuari lotutako fakturazioaren gehikuntza hartuko da kontuan.

5 puntu emango zaizkie webgunea sortu, berritu edo hobetzea dakarten eskaerei, eta 3 puntu gainerakoei.

Irizpide horiek honela haztatuko dira:

- 1. irizpidea: 32 puntu gehienez, eta 8 puntu gehiago lortu ahal izango dira jarduera lurralde nazionaletik kanpo gauzatzen bada.
- 2. irizpidea: 20 puntu, gehienez.
- 3. irizpidea: 20 puntu, gehienez.
- 4. irizpidea: 15 puntu, gehienez.
- 5. irizpidea: 5 puntu, gehienez.

9.2. Onuradunak hautatzeko eta bakoitzari dagokion zenbatekoa zehazteko, Foru Gobernu Kontseiluaren azaroaren 12ko 49/2019 Foru Dekretuaren seigarren oinarrian ezarritakoari jarraituko zaio.

## **10. artikulua. Ebazteko eta jakinarazteko epealdia**

10.1. Organo eskudunak, balorazio batzordearen proposamenez, bidezko deritzon ebazpena emango du. Ebazteko epea Foru Gobernu Kontseiluaren azaroaren 12ko 49/2019 Foru Dekretuaren seigarren oinarrian ezarritakoaren arabera arautuko da.

10.2. Ebazpen horiek, ahal dela, baliabide elektronikoen bitartez jakinaraziko dira, eta ezinezkoa bada, gutun ziurtatuaren bidez, Administrazio Publikoen Prozedura Erkidearen urriaren 1eko 39/2015 Legearen 41. eta 42. artikuluetan xedatutakoa aintzat hartuz.

10.3. Jakinarazitako ebazpen horrek administrazio bidea agortzen du, baina, Administrazio Prozedura Erkidearen urriaren 1eko 39/2015 Legearen 123. artikulua xedatzen duenaren arabera, aukerako berraztertze errekurtsoa aurkez dakioke Foru Gobernu Kontseiluari, egintza jakinarazi ondorengo egunean hasi eta hilabete igaro baino lehen, edo, bestela, zuzenean aurkaratu daiteke Vitoria-Gasteizko Administrazioarekiko Auzietarako Epaitegien aurrean, egintza jakinarazi ondorengo egunean hasi eta bi hilabete igaro baino lehen.

### **11. artikulua. Dirulaguntzak justifikatzea eta ordaintzea**

11.1. Dirulaguntzen likidazioa administrazio ebazpenean agindu bezala gauzatuko da, bertan zehazten diren betekizun eta baldintzak bete ondoren.

11.2. Dirulaguntzak toki hauetan justifikatu behar dira:

- Arabako Foru Aldundiaren erregistro orokorra.
- Foru Ogasunak Gasteizen, Laudion eta Guardian dituen bulegoetako erregistroa.
- Administrazio Publikoen Administrazio Prozedura Erkidearen urriaren 1eko 39/2015 Legeak 16.4 artikuluan ezarritako gainerako erregistroetatik edozein.

Hala ere, Administrazio Publikoen Administrazio Prozedura Erkidearen 39/2015 Legearen 14.2 artikulua betez, honako hauek egoitza elektronikoa dagoen izapide zehatzaren bitartez (<https://egoitza.araba.eus/eu/-/realizacion-inversiones-sector-artesanos>) telematikoki aurkeztera behartuta daude: pertsona juridikoak; nortasun juridikorik gabeko erakundeak; elkargoko kide izatea nahitaezkoa duen jarduera profesional batean dihardutenak, jarduera horretan egiten dituzten izapideetarako, eta administrazioarekiko harremana elektronikoki izatera behartuta dagoen interesdun bat ordezkatzeko dutenak.

Dirulaguntzaren justifikazio gisa elektronikoki aurkeztutako dokumentuek bat etorri beharko dute jatorrizkoekin, zeinak interesdunaren esku egongo baitira, eta Enplegu, Merkataritza eta Turismo Sustapenaren Zerbitzuaren eskura jarri beharko ditu hala eskatzen zaionean.

Bat etorritik Administrazio Publikoen Administrazio Prozedura Erkidearen urriaren 1eko 39/2015 Legeak 28.7 artikuluan ezarritakoarekin, erakunde onuraduna da aurkeztutako dokumentazioa egiazkoa izatearen arduraduna.

11.3. Arabako Foru Aldundiak dirulaguntzaren zenbateko justifikatua ordaintzeko betebeharra onar dezan, onuradunak dokumentazio hau aurkeztu beharko du 2023ko abenduaren 1ean amaituko den epean (egun hori barne):

- Benetan egindako jardueren memoria.
- Fakturak eta gainerako frogagiri baliokideak.
- Hiru eskaintzak eta, eskaintzarik merkeena aukeratu ez bada, horren arrazoiak azaltzen dituen justifikazio txostena (bakar-bakarrak partidaren batek eskaera egiteko garaian hiru eskaintza aurkeztera behartzen ez bazuen eta geroago benetako gastuak ezarritako 15.000,00 euroko mugara heldu edo hortik gorakoak izan badira).
- Hauei buruzko informazioa jasotzen duen erantzukizunpeko adierazpena:
  - a) Aurkeztutako datuak egiazkoak direla eta aurkeztutako kopia jatorrizko dokumentuekin bat datozeela.
  - b) Dirulaguntza honetaz gainera, hemen diruz lagundutako kontzeptuetarako beste diru sarrera edo dirulaguntza batzuk lortu diren. Baiezkoa bada, diru sarrera horien justifikazioa aurkeztuko da, zenbatekoa eta jatorria adierazita.



Faktura elektronikoak aurkeztuz gero, factura-e motako estandarren araberakoa izan beharko da haien formatua. Elektronikoki izenpetutako beste zernahi agiri aurkeztu behar izanez gero, onartu egingo dira konfiantzazko zerbitzu elektroniko kualifikatuen eskaintzaileen konfiantzazko zerrendan jasotako ziurtagiriak (<http://sede.minetur.gob.es/Prestadores>).

Profesionalek emandako fakturen kasuan, erakunde onuradunak Pertsona Fisikoen Errentaren gaineko Zergaren konturako atxikipenen zenbatekoa ordaindu beharko du. Kasu horretan, justifikatu beharreko ordainketa egin beharra onartuko da eta Arabako Foru Aldundiaren arduraz izango da ordainketa horiek egiaztatzea eta bidezko justifikazio txostena egitea. Baldin eta, dirulaguntza ordaindu eta gero egiaztatzen bada ez direla sartu egin beharreko atxikipenak, dirulaguntza itzultzeko eta hari dagozkion interesak ordaintzeko eskatuko da.

11.4. Onuradunak fakturak Enplegu, Merkataritza eta Turismo Sustapenaren Zerbitzuan 2024ko apirilaren 5era arteko epean, egun hori barne, ordaindu izana justifikatu ondoren ordainduko du Arabako Foru Aldundiak dirulaguntzaren justifikatutako zenbatekoa. Formatu hauetako edozeinetan aurkeztu ahal izango da fakturak ordaindu izanaren justifikazioa:

– Banka elektronikoaren bidez egindako banku laburpenak eta/edo transferentzia aginduak, ordainketaren ordaintzailea eta onuraduna, zenbatekoa eta data zehaztuta dutenak.

– Tiketak (faktura erraztuak), baldin eta Fakturazio Araubidearen 7. artikularen 2. eta 3. apartatuetan xedatutakoaren arabera egin badira (maiatzaren 28ko 18/2013 Foru Dekretua), hau da, ordaindu beharreko kopurua ordaindu dela frogatzen duten faktura erraztu kualifikatuak, jasotzen dutenak hartzailearen IFZ eta helbidea, baita esleitutako zerga kuota bereizita ere, eta zehazten dutenak diruz lagundutako jarduna.

– Eskurako ordainketen kasuan, frogagiritzat hartuko da fakturaren erakunde jaulkitzailearen ziurtagiri sinatua edota zigilatua, zeinetan faktura zenbakia, zenbatekoa eta ordainketa data agertu beharko baitira, betiere zenbateko hori eskudiruzko ordainketei buruz indarrean dagoen 2022ko araudian ezartzen den zenbatekoa edo handiagoa ez bada.

11.5. Ez da onartuko eskudirutan ordaintzea 2023rako indarreko araudian ezartzen den zenbatekoa edo hortik gorakoa (edo horren kontrabalia atzerriko dirutan).

Aurreko paragrafoan adierazitako zenbatekoa kalkulatzeko, ondasun edo zerbitzu ematea zatikatu ahal izan den eragiketa edo ordainketa guztien zenbatekoak batuko dira.

11.6. Ordainketak arintzeko, unean unerako jarritako epe mugak baino lehenago aurkeztu ahal izango dira agiriak.

11.7. Justifikatutako gastuak, guztira, diruz lagundu daitekeen aurrekontua adinakoak izan beharko dira, gutxienez. Diruz lagundu daitekeen aurrekontu horretara iritsi ezean, dirulaguntza proportzioan murriztuko da, eta dagokion kopurua baliogabetuko da.

11.8. Dirulaguntza jaso dezaketen kontzeptu eta zenbatekoetan aldaketak onartu ahal izango dira, baldin eta hasieran onetsitako diruz lagundu daitekeen aurrekontuaren muga gainditzen ez bada eta dirulaguntza jasoko zuen kontzepturen bat egin gabe geratu bada ere. Desbideratze horiek Enplegu, Merkataritza eta Turismo Sustapenaren Zerbitzuaren oniritzia beharko dute, salbu eta funtsezko aldaketak egiten badira, halakoei Enplegu, Merkataritza eta Turismo Sustapenaren Zuzendaritzak eman beharko baitie oniritzia.

11.9. Baldin eta 6.2. artikuluan ezarritako dirulaguntza muga aplikatu bada, onargarria izango da diruz laguntzeko den gastuan murrizketak egitea, esleitutako dirulaguntza aldatu gabe; alabaina, beharrezkoa izango da dirulaguntzaren xedea betetzea, eta errespetatzea diruz lagundutako gastuaren gutxieneko zenbateko justifikatu beharrekoa, alegia, operazio honen emaitza: esleitutako dirulaguntzaren gehieneko zenbatekoa zati aplikatutako dirulaguntza ehunekoa.

11.10. Epe horiek igaro eta dirulaguntza ordaintzeko betebeharra onartzeko zein dirulaguntza ordaintzeko aurkeztu beharreko agiriak aurkeztu ez badira, edo aurkeztu beharreko guztia aurkeztu ez bada, dirulaguntza gutxitu edo baliogabe utziko da, kasu bakoitzari dagokionaren arabera.

## 12. artikulua. Dirulaguntzen bateragarritasuna

12.1. Oinarri arautzaile orokorrak onetsi zituen Foru Gobernu Kontseiluaren azaroaren 12ko 49/2019 Foru Dekretuak hamabigarren oinarrian ezartzen duena aplikatuko da. Gainera, jarduketek jaso ditzaketen gainerako laguntzak, edozein izanda ere laguntza mota eta hura ematen duen organoa edo administrazioa, bateragarriak izango dira foru agindu honetako laguntzekin, baldin eta, bai osotara, bai diruz lagundutako jarduera bakoitzean, laguntzen baturak ez badu gainditzen diruz lagundutako jardueraren kostua.

Era berean, laguntza hauek bateragarriak izango dira osasun krisia kudeatzeko hartutako neurrien ondorioz jarduera gutxitzeak ekarri dion galera ekonomikoa arintzeko onuradunak jaso ditzakeen itzuli beharrik gabeko zuzeneko dirulaguntzekin.

12.2. Dirulaguntza eskaera aurkeztu eta gero beste laguntzaren bat lortzen bada, ahalik eta lasterren eman beharko zaio horren berri, idatziz, Enplegu, Merkataritza eta Turismo Sustapenaren Zuzendaritzari, zeinak eskatutako laguntza murriztea edo ukatzea proposa baitezake.

12.3. Laguntzen deialdi honek bete egingo ditu Europako Batzordearen unean uneko erregelamendu indardunetan ezarritako "minimis" arauak. Horretarako, Europar Batasunaren Funtzionamenduari buruzko Tratatuaren 107. eta 108. artikulua minimis laguntzei aplikatzeari buruzko Europako Batzordearen abenduaren 18ko 1407/2013 (EB) Erregelamenduak 3.2 artikuluan adierazten du estatu kide batek enpresa bakar bati emandako minimis laguntzen guztizko zenbatekoa ezin dela izan 200.000 euro baino handiagoa hiru ekitaldi fiskaleko edozein alditan.

## 13. artikulua. Eskaerak egokitzea

Foru agindu honetan araututako dirulaguntza deialdian parte hartzerik ez duten hirugarren pertsonen jarduketak –dela foru agindu honetan ezarritako baldintzaren bat betetzen ez dutelako, dela diruz laguntzea nahi den kontzeptuak diruz lagundu ezin direlako edo Enplegu, Merkataritza eta Turismo Sustapenaren Zerbitzuaren iritziz proiektu horiek Enplegu, Merkataritza eta Turismo Sustapenaren Zuzendaritzak aurten kudeatutako beste laguntza lerro batzuei hobeto egokitzen zaizkielako eta horrelakoren bat eskuratu ahal dutelako– dagokien laguntza lerrora eraman ahal izango dira ofizioz.

## 14. artikulua. Azken klausula

Foru agindu honetan ezarritako prozedura Foru Gobernu Kontseiluaren azaroaren 12ko 49/2019 Foru Dekretuaren bidez onetsitako oinarri arautzaile orokorretan ezarritakoaren mende dago, bai eta honako hauek dirulaguntzei buruz xedatzen dutenaren mende ere: Arabako Lurralde Historikoko Dirulaguntzen urriaren 19ko 11/2016 Foru Araua; Dirulaguntzen azaroaren 17ko 38/2003 Lege Orokorra; uztaillaren 21eko 887/2006 Errege Dekretua, zeinak Dirulaguntzen azaroaren 17ko 38/2003 Lege Orokorraren araudia onesten baitu, eta dirulaguntzei buruzko geroko xedapen guztiak.

## ERANSKINA / ADDENDA

JARDUERA ACTUACIÓN	GEHIENAKO DIRULAGUNTZA (EURO) SUBVENCIÓN MÁXIMA (EUROS)
— Prestakuntza ikastaroetan parte hartzea Participación en cursos de formación • Matrikularen kostua eta material didaktikoa Coste de matrícula y material didáctico	1.000,00
— Web orriak ezartzeko eta eguneratzeko kostua Implantación y actualización de páginas web	2.000,00
— Promoziorako materialak lantzea eta editatzea Edición y elaboración de materiales de promoción	2.000,00
— Produktuen etiketak eta tailerren identifikazio-plakak diseinatzea eta inprimatzea Diseño e impresión del etiquetado de los productos y de las placas identificativas de los talleres	500,00
— Azoketan parte hartzea Participación en ferias	2.500,00